

國家圖書館分館編

清代孤本方志選

(第一輯第二十五冊) 福建

歸化縣志〔康熙〕十卷首一卷

重修縣志序

粵考古昔盛時天子省方
問俗徧採風謠彙成一書
故國有史而無誌迨其後
也巡方之興金匱輪軒之
使不徧於下國上自京畿

下逮省郡州縣各爲職方
記事之書而誌於是乎作
焉士一行作吏爲天子守
土涖茲兆庶知一邑之風
士人情而不鑒諸舊載謝
補編次以備參考將繼往

開來之謂何然則哀集篇
章奉行恐後固今日事也
已未穩不佞濫竽茲土方
當恢復之初芻蕘力役日
無寧晷刻鴻未集昕夕不
遑嘔心招撫勢如救焚有

利務興有害務除幸藉

上臺撫綏之方 縉紳先生匡

勩之力比季以來問問頗

有起色甲子夏恭奉

部議天下通行纂脩縣誌余

不禁喟歎興曰是余之

責也夫用擇吉日禮延鄉
紳諸君子廩增附諸庠生
設局公所互相參訂爰稽
歸邑舊屬清沙寧永支界
明成化間始升爲縣其時
草昧初闢文教未興崇禎

已卯蜀之楊侯知茲邑始
哀集九卷而予大觀焉我
清陽定以來甲寅之後斷簡
殘篇不無缺畧日與諸同
人寢食其中用戒之曰文
過其實或失則誣美而弗

彰卽非獎厲於是嚴其條
例杜絕行私一節可取雖
微必錄涉於疑貳寧闕勿
從如田賦城池學校廟宇
諸條目莫不在用畢具燦
若日星斯亦彷彿古修舉廢

墜之典闡微顯幽之意用以垂鑒將來傳信後世卽嗣是而備選提輶或存乎此也則誌之告竣也不甚重哉然考核之餘竊有鯁鯁過計者誌之與史其義

則同其例則異其史必善惡
並書誌則揚善棄惡豈非
鄉邑之月旦善者見之益
以勸而不善者見之不益
以愧且悔耶由宋而言有
楊文靖倡理學於東南由

元而言有陳守戎樹偉烈
於勝國昔之八立蔚興何
其盛也余願邑之庠士先
制行而後文藝紹龜山淵
源頡頏今古邑之民庶敦
孝弟而崇禮義將力田服

積儲裕豐荒則教養兼隆
其躋淳熙不幾與邑之紳
衿耆庶相得益彰並垂不
朽乎猗歟休哉謹序



崑

康熙貳拾叁年歲次甲子

夏六月之穀旦

知歸化縣事立林郎加

壹級古蒲王國脉撰



重修縣誌序

顏師古曰志者記也積記
其事也記其事者寧質毋
文寧詳毋簡家其大而
忽乎小其重而不遺乎
輕蓋凡風詩之所紀載與

夫春秋之所詳明無不因
 事直陳考見得也誠甚盛
 也邑之先爲清泰永樂之
 故址明成化八年始割四
 方之地而邑之其舊俗
 敦龐易與爲理至人物如

龜山山川如蛾眉雪嶽蒼
歷歷可數焉予治接歸陽
得諸耳聞者最悉及丁丑
秋代庖茲土蒞政朞月又
親見其民風土誠爲可
嘉也竊嘗於簿書之暇與